

Der. VIII. titel des andern Tractats

Die hab vnd güter so vß gelyhnem gelt erkouffte/oder überkomē worden/sind demlyher nit verpfende/Es wer dan angedingt. Wer aber dz einer vß frömbtem gelt das im nit gelihen ist/etwas kouffte/oder an sich preche/es sig ligends oder varends/so ist die selbig erkouffte/oder erlange hab dem ihenen der des geltis ein herr ist/verschwigelich verpfende/nach vnser Stattbuch.

Verschwigelich verpfandung/dem gemeinen güte diser Statt.

Was ouch einer dem gemeinen güte schuldig wüde/es syg stür/zins/steuer/oder anders/darumb ist alles sin ligend vñ varend güte verschwigelich verunderpfandet.